



धन्य अयला: : वंगुय् अवैध रूप दयेकातःगु अयला: वरामद याना: वंय् च्काच्योपि प्रहरीत ।

(किपा साभार अनलाइन खबर)

किसुनजी हरिद्वारपाखे

यें (सन्ध्या टाइम्स)/नेपाली कांग्रेसया संस्थापक नेता नापं पुलांमह प्रधानमन्त्री कृष्णप्रसाद भट्टराई भारतया हरिद्वारपाखे भ्नाःगु दु । वयकः तीर्थयात्राया भवलय् उखे भ्नाःगु खः । मिहगः भारतपाखे वने न्हयः संचारकर्मीतलिसे खं ल्हासें वयकलं थःगु भ्रमण धार्मिक जगुलिं अनया राजनीतिक नेतात नापलायेगु जुइमखु धकाः स्पष्ट यानादीगु दु ।

मोबाइल घौछि बन्द

यें (सन्ध्या टाइम्स)/नेपाल टेलिकमया मोबाइल फोन थौं सुथय् छ्भाः बन्द जुल । करिव एक घण्टा स्वयां अजः भइथें मोबाइलया टावर नायव जुयाः फोन बन्द जगु खः । टेलिकम प्राविधिक गडबडी यानाः सेवा अवरुद्ध जगु खं धाःगु दु । तर गज्याःगु प्राविधिक गडबडी वःगु धइगु खं धाःसा मधाः ।

राप्रपा व राजपा कन्ह्यु

एकता घोषणा

यें (सन्ध्या टाइम्स)/सूर्य बहादुर थापां नेतृत्व यानादीगु राष्ट्रिय जनशक्ति पार्टी व पशुपति शमशेर नेतृत्व यानादीगु राष्ट्रिय प्रजातन्त्र पार्टी दथुइ कन्ह्यु एकताया घोषणा याइगु जगु दु । वयकःपिन एकीकृत पार्टीया नां राष्ट्रिय शक्ति प्रजातन्त्र पार्टी तयेगु सहमति जगु दु ।

Table with 2 columns: Item Name and Price. Includes items like 'छापावाल १० ग्राम' and 'माघ २२ गते न्हिनय् ३ बजे तक'.

बस दुर्घटनाय् न्हय्म्ह सित सीपिं फुककं स्वनिगःयापिं, स्वीन्याम्ह घापाः

यें (सन्ध्या टाइम्स)/सुग्लिन नारायणगढ सतक खण्डय् लाःगु चितवनया जलबिरेय् तीर्थयात्री ज्वना वंगु छ्गः बस दुर्घटना जुयाः उकी च्वना वपिं न्हय्म्ह यात्रु सीगु दुसा स्वीन्याम्ह घाःपाः जगु दु । वंगु चान्हय् जगु उगु दुर्घटनाय् लानाः किपूया न्याम्ह, खपया छम्ह व यें मातातिर्थया छम्ह सीगु खः । उगु दुर्घटनाय् लानाः किपूया २७ दँ दुम्ह कृष्ण वास्कोटा, प्यदँ दुम्ह शुभेच्छा वास्कोटा, ४० दँ दुम्ह रामबाबु वास्कोटा, ४५ दँ दुम्ह लक्ष्मी खनाल व ३० दँ दुम्ह रेखा खनाल सीगु खः । अथे हे खपया ३५ दँ दुम्ह विष्णु प्रजापति व

मातातिर्थया ७० दँ दुम्ह रामचन्द्र रिजाल सीगु खं चितवन प्रहरीं धाःगु दु । प्रजापति घटनास्थलय् हे सीगु खःसा मोंप भरतपुर अस्पतालय् वासः याक्याकुं सीगु खः । यें सुनसरीया धार्मिकस्थल बराह क्षेत्रय् तीर्थ यात्राय् वनाचंगु वा. २ ख ६२७ नम्बरया बस वंगु चान्हय् १२ बजे चितवनया चण्डीभन्ध्याइ जलबिरे लागाय् १०० मिटर ब्वय त्रिशूली खुसिइ कतुंवनाः उगु दुर्घटना जगु खः । उगु वसय् ४३ म्ह यात्रु दुगु खः । धाःपाः जुपित आः भरतपुरया शीथी अस्पतालय् तयाः वासः याकातःगु खं धाःगु दु । अचः घाइतेया अवस्था गम्भीर दु ।

चाबहिली जाडीं क्यलाः मचा सित
यें (सन्ध्या टाइम्स)/चावही लागाय् थौं सुथय् छ्गु गाडी दुर्घटनाय् लानाः छम्ह मचा सीगु दु । उगु लागाय् चले याइगु गाडीं क्यलाः मचा बांमलाक घाःपाः जगु खःसा लिपा वासः याकेत अस्पताल यंकबलय् अन वासः याक्याकुं मचा सीगु खं धाःगु दु । गाडीं क्यलाः मचा सीवं स्थानीय जनतां अन गाडीइ तोडफोड शुरु याःगु दुसा थुकिं यानाः उगु लागाय् यातायात अवरुद्ध जगु दु । विद्यार्थीतयसं चावही लागाय् छुं हे सवारी चले मयाकुसे चक्का जाम याना विउगुलिं उगु लेंपु जुयाः वयेमाःगु गाडीत मेयासं चाहीकाः यंकेमाःगु खः ।
■ उखे मिहगः येंया ठमेलय् चंगु सनराइज मनि एक्सचेन्ज् निम्ह लुटेरातयसं गोली कयेकाः ध्यवा लुटे यानाः यंकगु दु । वैकं ध्यवा कयाः वयाचम्ह संचालक नन्दबहादुर श्रेष्ठयात उमिसं खुकुरीं पालाः १६ लाख तका लुटे याःगु खः । लुटेरातयसं थोपिन मोटरसाइकल धाःसा अशोकगल्लिइ लुं त्वःता थकगु दु ।

संविधानसभा न्हयःने नेवाःतय् धर्ना

यें (सन्ध्या टाइम्स)/नेवाःतयगु राष्ट्रिय संगठन नेवाः देय् दब्या आह्वानय् थौं न्ह वानेश्वरया संविधानसभाया पश्चिम गेटय् नेवाः ख्यःया न्हयलुवा नापं कार्यकर्तात धर्ना चंगु दु । थौं न्हिनय् १२ बजेनिसें १ बजे तक धर्ना चनेगु ज्याभ्वः दुगु खं नेवाः देय् दब्या नायः नरेश ताम्रकार 'सन्ध्या टाइम्स'यात कनादीगु दु । नेवाःत थःपिनिगु हे माग ज्वनाः संविधानसभाया न्हयःने धर्ना चंगु थ्वहे न्हापांखुवी खः । न्हूगु संविधान इलय् हे जारी यायेमाःगु, संविधानय् नेवाः स्वायत्त राज्ययात सुनिश्चित यायेमाःगु, आदिवासी जनजातिया अधिकार

सुनिश्चित यायेमाःगु, राज्य पुनसंरचना नापं राज्य शक्ति बाँडफाँड समिति तयार याःगु राज्य पुनसंरचनाया सीमाइकनय् नेवाःतय् बाहुल्यता दुगु नापं ऐतिहासिक आधार दुगु लाग्ना तर्क नेवाः प्रदेशय् दुमथ्याकगु जुयाः ऐतिहासिकता नापं बाहुल्यताया आधारय् नेवाः राज्यया सीमाइकन यायेमाःगु नापं शीथी कथंया माग न्हयथंसं अथे नेवाःत संविधानसभा न्हयःने धर्ना चंगु खः । उगु धर्ना ज्याभ्वलय् नेवाः देय् दब्या नायः नरेश ताम्रकार, देय् दब्या पदाधिकारी नापं जातीय खलः पुचःया आपालं नेता व कार्यकर्तातयसं ज्वित कयाचंगु दु ।

थनिनिसें सविधानया पूर्ण मस्यौदा च्वइगु

यें (सन्ध्या टाइम्स)/संविधानसभाया सवै-धानिक समिति न्हूगु संविधानया नितिं थनिनिसें हे पूर्ण मस्यौदा च्वयेगु ज्या न्ह्याकगु जगु दु । सवैधानिक समिति नापं भिन्गु विषयगत समितिपाखें थथपिन मस्यौदा प्रतिवेदन संविधानसभाय सहलह ब्वचायेथुकुलिं थनिनिसें सवैधानिक समितिपाखें फुकक समिति या खं दुथ्याकाः संविधानया पूर्ण मस्यौदा च्वयेगु ज्या न्ह्याकगु खः । संविधानया मस्यौदा तयार यायेथुंकाः जनतायाथाय उगु मस्यौदा ज्वनाः सभासदपिं वयेमाःगु प्रावधान दयेकातःगु दु ।

चैत्र २४ गते स्वंगू वामया नेपाल बन्द

यें (सन्ध्या टाइम्स)/स्वंगू कम्युनिष्ट पार्टीतय् दथुइ कार्यगत एकता यानाः जनआन्दोलन दिवसया न्हि कुन्हु हे नेपाल बन्द यायेगु घोषणा याःगु दु । ताः हे न्हयबनिसें गृहकार्य यानाः स्वंगू मुद्दाय् कार्यगत एकताया घोषणा यासें बइगु जनआन्दोलन दिवस कुन्हु चैत्र २४ गते नेपाल बन्दया घोषणा याःगु खः । राष्ट्रिय स्वाधिनताया रक्षा, जनसंविधान निर्माण व थहांवंगु बजाःभाः ब्वकायेमाःगु माग यासें ऋषि कट्टेल नेतृत्व यानादीगु नेकपा (एकीकृत), मातृका यादवं नेतृत्व यानादीगु नेकपा (माओवादी) व मणि थापां नेतृत्व यानादीगु क्रान्तिकारी कम्युनिष्ट पार्टी जानाः मकाः आन्दोलन थ्वहे बइगु चैत्र २४ गते नेपाल बन्द यायेगु ज्याभ्वः दयेकगु खः । नेता ऋषि कट्टेल 'सन्ध्या टाइम्स'लिसे खं ल्हासें स्वंगू कम्युनिष्ट पार्टी दथुइ कार्यगत एकता यानाः

आन्दोलन यायेगु भ्क्वलय् नेपाल बन्द नापं मेमेगु ज्याभ्वः नं पित बियागु दु जानकारी बियादिल । वयकलं कंस माघ २४ गते थपिनिगु मागत दुथ्याकाः प्रधानमन्त्री माधव कुमार नेपालयात जापन पत्र वीगु ज्याभ्वः दुगु खं नं कनादिल । वयां लिपा छसिकथं २६ गते संविधानसभाया अध्यक्ष सुवास चन्द्र नेम्बाइयात जापनपत्र वीगु, फागुन १ गतेनिसें १७ गते तक प्रचारात्मक ज्याभ्वः यायेगु स्वसाः दु । अथे हे चैत्र ६ गतेनिसें २० गते तक देय्यकं विरोध सभा यायेगु, राजनीतिइ जुयाः नं भ्रष्टाचार यापिन विरुद्ध भण्डाफोर अभियान न्ह्याकेगु, चैत्र २० गतेनिसें देय्यकं मोटरसाइकल च्याली, जुलुस, मसाल जुलुस नापं शीथी कथंया संघर्षया ज्याभ्वः यायेगु नापं चैत्र २४ गते नेपाल बन्द यायेगु जुइ धकाः नं नेता कट्टेल जानकारी बियादीगु दु ।

लवापु जुयाः कलेज अनिशचितकाल बन्द

यें (सन्ध्या टाइम्स)/एनेकपा (माओवादी)या भ्रातृ संगठन अखिल (क्रान्तिकारी) व नेपाली कांग्रेसया भ्रातृ संगठन नेपाल विद्यार्थी संघ दथुइ जगु लवापु यानाः लमजुइया कृषि क्याम्पस अनिशचितकाल तकया नितिं बन्द जगु दु । लवापु जुयाः निगुलिं हे संगठनया कार्यकर्तात घाःपाः जगु दुसा क्याम्पसय् मि तयाः फनिं चर च्याकेगु नापं तोडफोड यायेगु ज्या नं जगु खः । लवापु यानाः क्याम्पसय् क्षति जगुलिं क्याम्पस प्रशासन अनिशचितकाल तकया नितिं क्याम्पस हे बन्द याना विउगु खः ।



आपाः मन्तव्यसं सद्गुणया प्रशंसा याद
तर उक्तिया पालना याइ मखु ।

■ जोन मिल्टन

नेपाल राष्ट्र बैकया गभर्नर नियुक्त
यायेगु ज्याय जुयाच्वंगु हिलाई यानाः
देय्या अर्थतन्त्रय हे लिचवः लाइगु खतरा
वःगु खँ अर्थविद्वत्सं धया हःगु दु ।
देय्या समग्र अर्थतन्त्रया विश्लेषण यानाः
सरकारयात समेत मौद्रिक नीति दयेकेत
सुझाव वीगु जिम्मेवारी दुम्ह गभर्नर
नियुक्तिया ज्या खास यानाः राजनीतिक
खिंचातानीया कारणं हे हिला जुयाच्वंगु
खः । आर्थिक ख्यःया विजतयत हयाः ज्या
याकेमाःगु थायस्य नं राजनीतिक पार्टीया
कार्यकर्ता भर्ती यायेगु नेतातय चाहनां
यानाः देय्या अर्थतन्त्रय हे लिचवः लायेफइ
थ्यंकया थव समस्या पिहां वःगु खः ।
नेपाः जक मखु थौकन्हय विश्वय हे

सम्पादकीय

राजनीतिक खिंचातानी व न्हूम्ह गभर्नर

आर्थिक स्थिति डाँडाडोल जुयाच्वंगु दु ।
थव अवस्थापाखें नेपाः नं प्रभावित जुइगु
स्वाभाविक खः । उक्तिसनं तकतिनि
युइपाखें सुक्त जुयाः न्हूगु आर्थिक दिशा
ज्वनेत स्वयाच्वंगु नेपालय आर्थिक
विकासया नेतृत्व यायेमाःम्ह गभर्नर हे
थुलिमछि ई खाली जुयाच्वनीगु धायें नं
खतराया संकेत खः । छुं गये जुयाः
तुस्त है तःधंगु आर्थिक निर्णय यायेमाःगु

अवस्था बल धाःसा सुनां गय यानाः
यायेगु व उक्ति अन्य कथ्या लिचवः लात
धाःसा उक्तिया जिम्मा सुनां कायेगु ?
मेबलय जूसा गभर्नर कायम हे दनिबलय
न्हूम्ह गभर्नर नियुक्तिया प्रक्रिया
न्ह्यायेधुंकी । तर थुगुसी पुनाम्ह गभ-
र्नरया म्याद फुइधुंकाः नं न्हूम्ह नियुक्ति
जुइगु छँट मवःनि । हरेक खँय राज-
नीतिक हस्तक्षेप जुइगु भरीगु खराब
प्रचलनं यानाः गभर्नर नियुक्तिया थव
समस्या जुयाच्वंगु खः । हरेक पदय
राजनीतिक भागबण्डा जुइमाःगु व
उक्तिया हे लिधंसाय सत्ता समीकरण
समेत मिले यायेमाःगु प्रथां यानाः गभर्नर
पद आक्रान्त जुयाच्वंगु दु ।

सिखण्डी जुयाः मखु स्वाभिमान जुयाः स्वाये

बर्दाखनातःगु ई दुने नेपाःया न्हू संविधान
च्यवाः मुलुकय शान्ति हयेगु अले देय्या
अधिकश आदिवासी जनजातियात संघीयताया
लिधंसाय राज्य शक्तिनाप सतिकेगु ज्या ई
सतिना बःलिसे आज्जु तापाना वंगु अनुभव
जुयावःगु दु । संविधानसभाया राज्य संरचना
तथा शक्ति बाँडफाँड समिति संविधानसभाय
पेश याःगु भिन्त्यंगु राज्य प्रदेशया सिमाकनयात
अव्यावहारिक व हनुवाया भरय सिमाकन जूगु
धकाः माओवादी बाहेक फूकक हे राजनैतिक
पार्टीतयसं कूखनाहःगु दु । आः वैज्ञानिक व
प्राविधिकरूपं राज्य सिमाकन जुइमाःगु व
जातीय नामय सिमाकन जुइ मजिउ धयागु
खँय राज्य संरचना आयोगया माग



■ नरेशतीर शावट

आःया राज्य पुनःसंरचनाय
खँय थनया नेवाः लगायत

देय्यंकया आदिवासी जनजातित गम्भीर
जुइमफुगु तसक चिन्ताया विषय खः । थपाय्च्वक
नेवाःतयत् दमन यानाः नेवाः प्रदेश दयेकेगु
षडयन्त्र जुलं नं राजनैतिक पार्टीइ संलग्न
जुयाच्वंपिसं आःया नेवाः राज्ययात विरोध याये
मजिउगु तर्क न्ह्यःने ह्याच्वंगु दु ।

राज्यया निर्माणं सलसःदं निसं भाषा, जाति,
धर्मया नामय उत्पीडनय लानाच्वंपित मुक्त
यानाः इमिगु जातीय म्हसीका लिसं अधिकार
सहित जीवनयापन यायेगु खः । तर थन
ब्रम्हणवाद हावी जुयाच्वंगु कारणं आदिवासी-
तयत् राज्यशक्तिनाप सतिकल धाःसा
ब्रम्हतयगु राजनैतिक भविष्य अन्त जुइगु व
थःपिनि राज्य नं गनं निर्माण जुइ मफइगु
कारणं थुमिसं जातीय राज्य बल धाःसा देय्य
विखण्डन जुइ, कचा जुइ, जातीय ल्वापु जुइ
धकाः अनगलं प्रचार यानाच्वंगु दु । आदिवासी
जनतां लुमकेमाः कि छगु इलय थुमिसं हे
जुजु व राजतन्त्र नेपाःया
एकताया चि, छगु भाषा छगु

भेष नेपाःया एकताया बल धकाः आदिवासी
जनजातितयत् राज्यशक्तिया भरय उत्पीडनय
लाकाच्वंगु खः । थुमिसं आः स्वनिगः विकास
यायेत देय्यंकया मन्तव्ययुग योगदान दु धकाः
दावी नं यानाः स्वनिगः सकसिसंगु हक दुगु
थाय खः धकाः प्रचार यानाहःगु दु ।
आःया राज्य पुनःसंरचनाय खँय थनया
नेवाः लगायत देय्यंकया आदिवासी
जनजातित गम्भीर जुइमफुगु तसक चिन्ताया
विषय खः । थपाय्च्वक नेवाःतयत् दमन
यानाः नेवाः प्रदेश दयेकेगु षडयन्त्र जुलं नं
सुं सुं नेवाःत विशेष रूपं राजनैतिक पार्टीइ
संलग्न जुयाच्वंपिसं आःया नेवाः राज्ययात
विरोध याये मजिउगु तर्क न्ह्यःने ह्याच्वंगु
दु । इमिगु दावीकथं संघीयताया नामय नेवाः
प्रदेशया नां दइगु हे तःधंगु खँ धकाः
प्रचार यानाच्वंगु दु । तर थुइकेमाःगु खँ छु
धायेबलय नेवाः प्रदेशया नामय अतिहासिक
कालिसं नेपालमण्डलय बसोबास याना
बयाच्वंपि विशुली, धादिंग, दोल्खाया नेवाःतयत्
नेवाः राज्य पिने तयेगु हिम्मत हे थुमिसं गये
यायेकत ? नेवाःतयत् म्याये मफइगु लाग्ना
दुने सीमित यानाः देय्यंकया नेवाःतयत्

विभाजन यायेगु, ब्रम्हत नेता जुयाच्वंगु
राजनैतिक पार्टी जूगु कारणं छु हे आधार
मदयेक नेपालमण्डलया लागायत कचा
यानाः नारायणी दयेकेगु धइगु गुलि तक
सिखण्डी ज्या खः धइगु खँ इतिहासं
प्रमाणित याइगुली शंका मदु ।

आःया न्हू प्रादेशिक संरचनायात
विरोध यात धाःसा आः दयाच्वंगु नेवाः
प्रदेशया नां नं मदइ उकिं आःया नेवाः
राज्ययात विरोध याये मजिउ धयागु खँ नं
थुज्यःपिं नेवाः नेतातयसं प्रचारय हयाः
नेवाःतयत् हाकनं भ्रमय तयेगु कृतः
जुयाच्वंगु दु । वास्तविकताय नेवाःतयगु
हक अधिकार बचित यायेगु नितिं राज-
नैतिक पार्टीतयसं थज्यापिं हे
नेवाःतयत् प्रयोगु याना
वयाच्वंगु दु । छगु इलय आम
नेवाःत थुपिपाखें प्रभावित
जुयाः राजनैतिक पार्टीतयसं
धाःगु खँ पाय्छि हे जुइ धकाः
विवाः नं याइगु खः । तर
२०४७ सालया संविधान, आः
तक थुज्यःपिं राजनैतिक पार्टीत
सत्तासिन जुइवं नेवाःतयत्
यागु व्यवहार स्पष्ट याना वी-
धुंकरु दु, थुपिं देय्या आदि-
वासी जनजातितयगु हक
अधिकारया नितिं गवलें हे
विश्रवास याये बहः जूपिं मखु ।

आः हे नं नेपाः दुने थपाय्धंगु राजनैतिक
परिवर्तन बल । परम्परागत जुजु शक्ति
हटे जुल, तर गणतन्त्र घोषणा जूगु इलय
संघीयताया खँ पिमदं । तराईया उत्पीडित
जनताया आन्दोलन लिपा हे जक संघी-
यताया खँ वःगु खः । आः संघीयताया
दुने जातीय राज्यया खँ जनतां थःपिनि
अधिकार कथं न्हयथनेवं थुपिं राजनैतिक
पार्टीया ब्रम्ह नेतात जातीय राज्यया
विरोधय जक मखु संघीयताया विरोधय
देशविदेशय वना कुहां बयाच्वने धुंकरु
दु ।

आः नेवाःतयसं थुइकेमाःगु छता हे
खँ थःपिनि पुस्तायात अधिकार सहित
जीवनयापन याकेगु स्थिति ल्वाःता थकेगु
खःसा अधिकारया नितिं ल्वायेमाल । राज-
नैतिक पार्टीतयसं छु छाल उक्तियात मिखा
तिंसिनाः लिउलिउ ब्याय वनाः नेवाःतयत्
भ्रमय लाके मजिल । सिखण्डी जुयाः म्यायेगु
स्वयां स्वाभिमानया नितिं ल्वाःनाः सिना
वनेमाः धयागु ज्ञान सकसितं वी फयेके
माल ।

nshakya@gmail.com

जिगु नं धायेगु दु

ब्रम्हतयत् म्हसीकि

सम्पादकजु,

थौकन्हय जातीय संघीयताया खँ बयवय जुयाच्वंगु
दु । छवः ब्रम्ह मानसिकता दुपिं खय ब्रम्हतयसं
न्हापानिसं थव जातीय संघीय जक मखु संघीताया हे
विरोध याना वयाच्वंगु खः । उखुछु तक थज्याःगु खँय
विरोध मयाःपिं मानववादी धाःपिं खय ब्रम्हतयसं आः
वयाः ब्रम्ह मानसिकता दुपिं ब्रम्हतयत् तिवः जुइ कथं
इमिसं नं जातीय संघीयताया विरोध याना हयाच्वंगु
खनेदु । दक्क धयाथें ब्रम्हतय न्ह्याय ताःहाः जुइगुलिं
छम्ह निम्ह ल्वाःताः दक्क ब्रम्हत वहे थ्यापिं खः ।
जातीय संघीयता, संघीयताया खँय ब्रम्हतयसं मेपित
लखय मिखा कंकेगु कृतः यानाच्वंगु दु, खँ खँ जातीय
संघीयता मापिं दक्कसिनं होस याये माःगु दु । उकिं
सकीर्ण विचारधारा दुपिं खय ब्रम्हतयत् भनीसं म्हसीके
सयेकेमाः ।

उखुछु छगु टेलिभिजनय थःत प्रगतिशील धायेका
जुइम्ह मोदनाथ प्रश्रित धाःम्ह मनुखं खय ब्रम्ह खंनः
नापं क्षेत्रीय खंनः धानाः मेगु जातियात स्वःथलेत
ब्रम्ह व क्षेत्रीय जानाः “बाहुनक्षेत्री” धकाः धायेगु यात ।
थये हे काठमाडौंया कठितयसं नं नेवाःतयत् माइनस
यायेत इमिसं ब्रम्ह व क्षेत्रीयकः याकः मयासं “बाहुन
क्षेत्री” धकाः धायेगु याना हःगु दु । इपिं यक्क संख्याय
दुगु खःसा बाहुन छबे, क्षेत्री छबे तयाः धायेमाः ।
“बाहुनक्षेत्री” काये दइ मखु । कठिय छगु गामय भिम्ह
खय दःसा अन सछिम्ह नेवाःत अथवा तामांगु दु ख
खँ नेवाःतयसं चायेकेमाः ।

- यजुसा, वै ।

फोहोर ला मुने हे माः

बुद्धया जन्मस्थल नेपाःया बौद्ध खलकय बुद्धया
उपदेश व ज्ञान प्रचार यायेगु व थःगु आचार सहिता
वालाकेत माःगु खँवःत दुगु ज्ञानमाला भजन हालाः
न्यकेगु यक्क हे खलः व पुचःत दु । थुकी दकलय
थकालिगु ज्ञानमाला भजन स्वयम्भू १९९४ सालय
स्थापना जुयाः यक्क यक्क मन्तयत भिगु लेंपु क्यने-
धुंकल । थव खलकय जि नं आजीवन जः जुइ दुगु
तःधंगु माय खः । थज्याःगु खलकय च्चनाः न्ह्याक्क हे
सेवा याःसां थःगु बानी व्यवहार हिले मफुपिं धर्म
पासापिं नं दनि । खालि काम, क्रोध, रिस, राग मोहलय
भुले जुयाः थः थम्ह तं सः सिउम्ह तःधं जुयाः मेपित
मनु हे गान्ति मयासे नं म्वानाच्वंपि दु । थज्याःगु
आधुनिक भवजन्जालय भुले जुयाः लयलय तायाः
म्वानाच्वंपि वयकः पासापिं सु सु खः थःथम्ह तं
वाःचायेकेमाः । थव खँ थम्ह हे वाःचायेकाः वयकःपिंसं
भिगु लेंपु ज्वनेमा धकाः इनाप यानाच्वना ।

- कृष्णामल इंगोल,
तुन्छेबाहाः, वै ।

शिक्षाया आवश्यकता व महत्त्वा नापनाप संस्कारया सापक्षेता छगु न्ह्यसःया रूप्य समाज्य छाय वल ? थुकिया आवश्यकता समाजं छय महसुस यात ? थुकिं सीदु कि भ्नीगु समाज्य जनता गुलि शिक्षित जुइमाःगु खः उलि जगु मरुनि । उकिसनं मिस्तयगु लागि शिक्षाया आवश्यकता मदु धइगु पुलंगु संस्कार इलय हे सुधार मज्याः। मिस्तयसं मिजं सरह शिक्षा व अधिकार काये खनाचंगु मरुनि ।

२०५८ सालया राष्ट्रिय जनगणना कथं नेपाःया साक्षरता ५४.१ प्रतिशत जक दुसा उच्च शिक्षाया खं ल्वःते । उकिसनं मिस्तयगु उच्च शिक्षाया प्रतिशतया अवस्था गये चं जुइ ? थौया समाजं मिजंतयत जक मखु मिस्तयत नं मिजं सरह अधिकार व शिक्षा वीगु व भ्नीगु पुलंगु रूढीवादी संस्कार्य सुधारया नापनाप युगयात ल्वःगु न्ह्यगु संस्कारया निरूपण जुइमाःगु तथ्य उला विउगु दु ।

छह शिक्षित मिजं वा छह शिक्षित मिसां शिक्षा व अधिकारया विषय नापनाप युगयात मत्वःगु रूढीवादी व संस्कार बारे नं सिउगु हे जुइ । थुज्वःपिं शिक्षित मिजंतयसं थः कलाः प्रति गुज्जःगु व्यवहार यायेमाः धइगु खं नं बालका थुयाचंगु दइ । तर नं व मिजंया सामाजिक संस्कार गुज्जःगु दु, उकिया लिच्छः लाइगु जगुलिं वयागु संस्कार नाप मिले मजगु कारणं व थुइक सीक नं अपुक व्यवहार्य छवले फयाचंगु दइ मखु । व उगु खं व्यवहार्य हयत तःथेगु साहस याये मालाचनी । थुकथं छह शिक्षित मिजंयात सामाजिक संस्कारनाप ल्वायेत थाकुयाचनी धाःसा अशिक्षित मिसा मिजंतयगु ला खं हे ल्वःते । थुकिया अर्थ अशिक्षित जनताय चेतना मडु, चेतना ब्वलनी मखु धइगु मखु । तर अशिक्षित

शिक्षा व संस्कारया न्ह्यसः

मनुयाके सामाजिक संस्कारया विश्लेषण यायेगु क्षमता तसकं म्हो जक दइ । थुकिया कारणं न शिक्षाया भूमिका समाजया लागि महत्वपूर्ण जगु खः । मिस्तयसं न थःगु शिक्षा मिजं सरह थ्यंकेगु अति आवश्यक जू ।

भ्नीगु समाज्य युगयात ल्वःगु संस्कार मालाचंगु दु । अर्थात भावनात्मक सामाजिक क्रान्तिया आवश्यकता जगु दु । मिजं व मिसाया सम्भक्तदारीपाखे मिसा शिक्षाया द्रुतगति विकास जुइमाःगु दु । छह शिक्षित मिजं व छह शिक्षित मिसाया दाम्पत्य जीवनय मिजंपाखे मिसायात प्रायः शोषण यायेगु ज्या जुइ फइ मखु । तर पार्यछि, अःखः अशिक्षित मिसा व अशिक्षित मिसाया दाम्पत्य जीवनय धाःसा मिजंपाखे शोषण यायेगु हवःताः चूलानाचनी । थुकिं नं मिसा शिक्षाया महत्व गुलि दु धइगु सीदइ ।

सुयां भौमचा सुयां म्हायमचा खः । म्हायमचा शिक्षित जसा भौमचा शिक्षित जुइ । थौया भौमचा कन्हय्या माजु नं जुइ । थः माजु संस्कारया कारणं थत अर्थात वया भौयात निरुध्द व्यवहार वायु युगयात ल्वःकथंया व्यवहार मयात धाःसा थौया माजुपिसं उज्वःगु भूल मयासे युगकथंया संस्कार- यात हिलायके फःसा मिसां मिसायात म्हसीकेफुगु तायेके फइ ।

प्रत्येक भौ, म्हायय प्रत्येक माजु मां खः धइगु भावना ब्वलके माल । छायुधाःसा भौयात माया यायेबलय म्हायययात वनी । माजुयात माया यायेबलय मांयात वनी । थुकथं सोचे यात धाःसा छु परिवार सुखमय मजुइ ला ? मिस्तयसं थःगु पुख्यौली गलित-यात थरहे हे सुधार याताः थःगु भाग्य



ति. नन्दन राय

दयेकेत जागरुक जुयाः संस्कारयात सुधार यायेगु वानी वसे यायेमाःगु नितान्त आवश्यक जगु दु । शिक्षित मनुतयसं युग अनुरूप मजगु संस्कार- यात हिलाः युगकथंया संस्कार व चिन्तन धारण याताः कार्यरूप्य कथने फःसां जक युगकथं न्ह्याःगु धाये फइ । थुकियात हे सामाजिक क्रान्ति नं धाइ । अशिक्षित जनतां उकथं हे नाला काये फयेमाः । भ्नीगु समाज्य न्ह्यानाचंगु संस्कार्य थौया युगकथं मजुसे सुधार यायेमाःगु अवस्थाया संस्कारत यक्व दइ । गर्थेक भ्नीगु नेपालय कयौ गांगामय मिसाया थी मजिउ जुइबलय साया गोठय घने माःगु थेंज्याःगु विकृतिया संस्कार आः नं दनि । अथेहे दलित वरंगया थी ल्यः थी मत्यःया समस्या, विधुवां व्याहाः याये मजिउगु मिजंतयसं थः सिबे यक्व ब्वकालिन्ह मिसा नाप व्याहाः यायेगु चलनपाखे शिक्षाया विकासय पंगः थनी । थुकियात हे सुधार यायेमाःगु आवश्यकता खनेदु ।

समाज्य संस्कारया रूप्य दुगु गुगु नं चलन, प्रथा युगकथं मजुसे समाजयात हानी यानाचंगु जसां जनताय शिक्षाया कमी याताः अथेहे जनताय चेतना जागरणया कमीया कारणं उगु कुसंस्कारयात चीकेत थाकु धइगु दिसि हिन्दुतयगु सती प्रथायात कायेफु । सती प्रथा न्हकेत तसकं थाकुल । न्ह्यागु

जुइ विउ थौ उगु कुसंस्कार प्रायः निर्मुल जुइथुंकेगु दु । संस्कारया सिखः चफुइ तसकं थाकु धासें नकारात्मक विचार्य न्ह्यानाः समाज्य शिक्षाया विकास व सामाजिक सुधारपाखे सुं नं मन्ह्यात धाःसा समाजया सुधार गय याताः जुइ ?

भ्नी पूर्वजपिसं न्ह्याका वंगु समाजोपयोगी बालागु रीतिरिवाज संस्कारयात त्यंका तयेगु भ्नीगु धर्म जुवइ । दसुया लागि भ्नी मरुपिं मांवीपनिगु नामय श्रद्धा तथाः श्राद्ध यायेमाःगु संस्कारपाखे हेनेमाःपित श्रद्धा क्यंगु भावपूर्ण व्यवहार खनाः थः काय म्हायया मनय नं जीवित मांवीप्रीत श्रद्धा ब्वलनावइ । भ्नीगु मेगु संस्कार दंय छक्कः मांवीया ख्वाः स्वयेगु याताः जीवित मांवीया सम्मान यायेगु चलन थौया युवा कन्हय्या मांवी जुइबलय थःपिसं नं काय म्हायया पाखे सम्मान काये फइगु मखुला ? थुज्जःगु संस्कारयात भ्नीसं गय याताः बांमलाः धाये फइ ?

युगयात ल्वःगु न्ह्यगु संस्कार नं ब्वलनेमाःगु थौया युगया मागकथं भ्नी तसकं हौंसियार जुयाः लिपा तकं विकृति मवइकथं समाजयात ल्वःगु संस्कार ब्वलकेमाः । ख खंयात ध्यान विद्याः थौया युवातयसं थौथी न्ह्यगु संस्कार पलिस्था यायेगु स्वयेमाः । हरेक काय म्हाययपिसं थः मांवीयात थःगु मनय दुगु मतिना ब्वयेत न्ह्यगु रीति नालाः हेनेफःसा न्ह्यगु संस्कार पलिस्था जुयाः थःपिं नं थः काय म्हायय दयेथुंकाः इपिंपाखे सम्मानित जुइ खनी । आः युवातयसं न्ह्य संस्कार पलिस्था याताः न्हयज्यायेत कम से कम मांवीयात ब्वः मवीगु मांवी नं नः मनः विचाः यायेगु, मांवीया आज्ञा पालन यायेगु, मांवीया ज्याय तिवः वीगु थेंज्याःगु संस्कार

न्ह्याकेमाः । कमाई दुपिं काय म्हाययपिसं छेखचंय न्वाहाली यायेमाःगु ला द हे दु । ख् बाहेक नं लय छक्कः इमिसं थःगु गच्छे कथं छुं छुंवा मांया ल्हातय तयेगु चलन याःसा मांया नुगः छु मन्दिनी ला ? थुज्जःगु छेयं छेयं संस्कार कथं वसे जुल धाःसा सुखी परिवार जुइत तिवः वी ।

मेगु खं भचा अजुचायापु । मांवीया मतिना गुज्जःगु जुइ ? धाइ "मांवीया मतिना काय म्हायययात कायम्हायया मतिना ल्वहयात ।" कयौ मांवीपिं थःगु धन सम्पति कायपिसं कब्जाय काःसां कायपिंत मुहा तयेत साहस मयाइपिं दु । छुं खं मांवीया महातात मखुला ? थुकथं काय म्हाययपिंपाखे पीडित जृपिं मांवीया आपालं सत्य वाखंत दु । थुज्जःगु विकृति वरंगया लिउने छु कारण जुइ थुकिया विश्लेषण थौया आवश्यकता खः । सायद कायं मांवी लहीमाः धइगु बाध्यकारी कानून मदवाः खः ला ? वा ख् विषयस भ्नीगु संस्कार व नैतिकता चीमफुगु खला ? ख फुकक खंयु अग्रयन याता आः दयेकेल्यंगु संबिधानय बूढ नागरिकया लागि नं अधिकारया व्यवस्था जुइमाःगु खनेदु । थनयाय लाक मेगु छगु सुभावा दु, व छु धाःसा मांवीया सम्पत्तिया हकदार कायमचा जुइगु कानुनी व्यवस्था दु । तर वौयाके सम्पति मडु काय धाःसा अरवपति जसा कायया सम्पतिइ धाःसा वौया छुं हक लगे मजुइगु स्थिति दु । कायुं वौयात लहीमाः धइगु कानुनी प्रावधान नं मडु । खहे कारणं जुइ कयौ मांवीपिं कायपिंके फवना नयेगु सिबे वरु बुद्धाश्रमय जिउताःछि च्वने धकाः वनाचंगु दु । थये धवा दुपिं कायपिसं सरकारयात पुलीगु आयकरय भंतिचा धवा क्वापालाः वया थहे मांवीयात राहत स्वरूप सरकारपाखे हे वीगु कानून दयेकूसा बालाः मजुइ ला थें ?

मदुमह न्हुच्छेरत्न शाक्य
बुन्हि : वि.सं. १९९४ इन्द्र एकादशि
मदुगु न्हि : वि.सं. २०६६ कार्तिक २५ दशमि

श्रद्धाया स्वां देखाया

सुथय दनेवं सदां लुमकेबहगह
जिमित अतिकं माया याइठह नापं
विज्यासः बहीया थाकुलि अले येँ देय्या
किंस्गु बहीया सर्वसंधया थाय्या

न्हुच्छेरत्न शाक्य

मदुगु स्वला दत ।
स्वलाया थुगु पुण्य तिथिस दिवंगत
वयकःयात सुखावति भुवजय बासया कामना यासे
श्रद्धाया स्वां देखाया ।

ततापि : बेखालक्ष्मी शाक्य, आशादेवी ताम्राकार

न्ह्यायपि	जिलाजपि	न्ह्याय छयपि
कञ्चन तुलाधर	कल्याण तुलाधर	
वीणा शाक्य	गौतम शाक्य	प्रतिष्ठा, पलिस्था
रुपा शाक्य	अजय शाक्य	अभिषेक, रुजन
सुवर्ण शाक्य	राजेश शाक्य	रेशमा, रोशन
सुनिता शाक्य	राजेन्द्र शाक्य	सुनिता

मिंचा	मिंचा जिलाज	मिंचा छय
दिपा शाक्य	मोहनकुमार शाक्य	रुता शाक्य

इराक्य चुनाव प्रचार समस्या ज्यन

एपी/इराक्य मेगु लाय जुडगु चुनावय छह उम्मेदवारया खय विवाद पिहां वयेवं प्रचारय ब्वलनाच्यंगु समस्या छुं दिया निति समाधान जगु दु ।

मेगु लाय जुडगु संसदीय चुनावी मैदानय कहां वयाच्योपि आपल उम्मेदवारत सहाम हुसेनया वाय पार्टी लिसे सम्बन्ध दुपिं जगुलिं उमित इराकी सरकार प्रतिबन्ध तयेवं विवाद पिहां बःगु खःसा आः थुगु समस्या छुं दिया निति ज्यंगु इराकी चुनाव आयोग जानकारी विउगु दु । तर उखे इराकी अदालत उम्मेदवारतयत तयातःगु हदबन्दी चिकेत सरकारयात निर्देशन विउगु दुसा सरकार थुकी अनिच्छा ब्यनाच्यंगु दु । इराकी सरकार हुसेनया

वाय पार्टी नाप स्वापु दुगु धासें न्यासःभेसित उम्मेदवार जुडगु पाखे प्रतिबन्ध तयातःगु दु । थुगु प्रतिबन्धया कारण चुनाव प्रचारय विवाद पिहां वयेवं आः समस्या समाधान यायेगु ल्याख चुनाव आयोग प्रचारया ज्या दिका विउगु दु ।

थःपिनिगु अध्ययनया न जांच जुडमा धइगु ल्याख चुनाव प्रचार वइगु फेब्रुअरी ७ तारिख निसें जुडमागः खःसां आःयात लिछयाः १२ तारिख निसें जक जुडगु चुनाव आयोगया छह अधिकारी जानकारी विउगु दु । अथे हे वइगु आइतवाः आपतकालीन संसदीय बैठक च्यनेत्यंगु दुसा उगु बैठकय अदालतया फेसलायात कयाः विचार-विमर्स जुड ।

धर्मकीर्ति बौद्ध अध्ययन गोष्ठी

कतक तथ २३ गते रातिवाःया उजायः

प्रवचक : फणिन्द्ररत्न वजाचार्य

विषय : बज्रयान सम्बन्धिया पुजाविधि

ई : सुधिया ८:३० ताः इलय थाय : धर्मकीर्ति विहार, श्रीधर

युवक बौद्ध मण्डल, नेपाल (YMBA) ५५३४१३

रातिवारिय कार्यक्रम

विषय : अतिय दुःख व अनात्मा

प्रवचक : धर्मगुप्त महास्थविर

दि : २०६६ माघ २३

ई : सुधिया ८ बजे थाय : (YMBA), इटी यल

श्रम गर्न विदेशतर्फ जाँदा तत्काल फाइदा भए पनि दीर्घकालिनरूपमा सामाजिक र आर्थिक विचलन आइपने हुँदा मुलुक भित्रै परिश्रम गर्नु (पसिना बगाउनु) मा नै सबैको भलो छ ।

नेपाल सरकार
सूचना तथा सञ्चार मन्त्रालय
सूचना विभाग

सतिपट्ठान विपस्थना शिविर संचालनया सुचं

अन्तर्राष्ट्रिय बौद्ध भावना केन्द्रया प्रमुख ओवादाचरिय सयादो ऊ पण्डिताभिवंशया निर्देशनय फागुन ८ गते निसें १८ गते तक भिन्ह्या बूढोपदेशित "सतिपट्ठान विपस्थना भावना"या विशेष शिविर संचालन जुडगु दु । उगु शिविरय सहभागी जुडगु लागि सट्टमप्रेमि ईच्छुक उपासक उपासिकापित इनाप यानाच्यना ।

थाय : अन्तर्राष्ट्रिय बौद्ध भावना केन्द्र, बुद्धनगर, शंखमूल, येँ ।

शिविर संचालन मिति : २०६६ फागुन ८ गते निसें १८ गते तक

फारमया निति स्वापु तयेगु थाय

अन्तर्राष्ट्रिय बौद्ध भावना केन्द्र शंखमूल, येँ ।

फोन : ४७८२७०७/४७८४६३१

शाक्य सारीज, यल ५५३४९६७/९८४१२४३६४२

चवमि भाजु/मयजुपित रस्थापित खलःया इनाप

स्थापित खलःपाखें यकनं हे "खलःपौ" पिकायेगु जगुलिं चवमि भाजु/मयजुपिसं थःगु ग्यसुलाःगु च्वस्तुत निवाः (दुइ हत्ता)या दुने बियाः ग्वाहालि यायेत इनाप यानाच्यना । नापं थःगु उत्पादन सम्बन्धि विज्ञापन बियाः नं ग्वाहालि यानादीत दुनुगलं निसें इनाप यानाच्यना ।

स्वापु तयेगु थाय :

कृष्णहरि स्थापित, नेशनल ट्रेडिंग ।

फोन ९८५१००९६९३/४२४१८२९

प्रतिमा स्थापित, नयाँबजार ।

फोन ९८४१२०५१२७/४३८५६२०

प्राकृतिक चिकित्साको शिविर

यस अन्नपूर्ण प्राकृतिक चिकित्सा योग केन्द्र क्लिनिकले २१ वर्ष पूरा गरी २२ औं वर्षमा प्रवेश गरेको उपलक्ष्यमा आउँदो फागुण १ गते देखि २९ गते सम्म योग ध्यान प्रणायाम शिविर हुने जानकारी गरिँदछौं ।

हरेक उपचारमा ५०% छुट बिना औषधि रोग निर्मूल पार्ने

- ग्यास्ट्रिक ● उच्चरक्तचाप तथा निम्न रक्तचाप
- मधुमेह ● दमखोकिक ● पिनास ● कब्जियत ● ज्वरो
- हात, खुट्टा, कमर जोर्नी दुख्ने ● अतिन्द्रा
- मोटापा घटाउने पक्षाघात (प्यारालाइसिस)
- रगत, विसा-पिसाब जाँच २५% छुट यहाँ अकूपचरको व्यवस्था छ ।

बिहान ६ देखि साँझ ५ बजे सम्म खुल्ला रहनेछ ।

डा. त्रिवेन्द्र शाक्य, ९८४१७२५५१८

योग प्रशिक्षक - त्रिरत्न शाक्य

अन्नपूर्ण प्राकृतिक चिकित्सा योग केन्द्र

(क्लिनिक) रत्नकाली, भुरुङ्खेल चौर । फोन ४२४९७६८

सीट समित छ, चाँडै सम्पर्क गर्नुहोला ।

निःशुल्क चेकअप

सर्व प्रकारं जगतो हिताय

JGO Nepal पाखें संचालित

जेजिओ निःशुल्क स्वास्थ्य विलगिकया सुचं

आइतवाः डा. निशाज्योति श्रेष्ठ वजाचार्य बालरोग विशेषज्ञ सन्तिलया ५:०० - ६:०० बजे तक	सोमवाः डा. एलिसा श्रेष्ठ प्रसुति तथा स्त्रीरोग विशेषज्ञ सन्तिलया ५:०० - ६:०० बजे तक	मंगलवाः डा. विजयलाल श्रेष्ठ वरिष्ठ फिजिसियन सन्तिलया ५:०० - ६:०० बजे तक
बुधवाः डा. योगेन्द्रमान शाक्य जनरल प्राक्टिस तथा इमर्जेन्सी सन्तिलया ५:०० - ६:०० बजे तक	बिहिवाः डा. संगिता श्रेष्ठ न्याय, न्यायपं व कथु न्वय विशेषज्ञ सन्तिलया ५:०० - ६:०० बजे तक	शुक्रवाः डा. विजयलाल श्रेष्ठ वरिष्ठ फिजिसियन सन्तिलया ५:०० - ६:०० बजे तक

न्यतेकनेया निति :- जेजिओ नेपाल, मधु, प्याफः, येँ । फोन ल्याः ४२१८७४४ (निहसिया २ बजे निसें ७ बजे तक)

विशेष बौद्ध चारधाम तीर्थयात्रा २०६६

लुम्बिनी, सारनाथ, कुशीनगर, बौद्धगया

सम्पर्कः

ललित मण्डप
ट्रामन्स्य धण्ड दुर्ज (प्रा.) लि.

मुख्य कार्यालयः हरिहर मठ, पुच, यल । फोन : ५५४६५०६ ।

शाखा कार्यालयः दरवारमार्ग, येँ । फोन : ४२३९००० ।